

# 保定府志

第一冊

序例目錄

蠲卹  
臨幸  
宸章

附行宮

芳緒之芳塵  
十二方之芳

重修保定府志序

志書政書也事以類分有似類書類以綱統則具史法焉

畿輔之志不同於諸行省以其有

京師也首郡之志不同於外郡以其爲通省之樞轄也保定舊志修自康熙迄今歷百六十餘年漫漶殘缺不可卒讀同治十年合肥相國創議修

畿輔通志檄郡縣各修方志先事採訪十二年予來守郡事更數手稿猶未具廼謀之貴筑黃君子壽延樂城張君重齋主其事時重齋方預修通志因用通志凡例以綱統目遠事徵於書近事徵於冊爲紀表略錄傳記凡八十卷迨光緒七年通志將竣而府志亦成會予分巡通永長白恭君甄甫來代爲任剗劂予敘其端曰志之作也官牘年久無存私家又罕紀載難在無徵

詳細略巨重出紛陳患在無識今自通志局開廣徵各省志書及

國朝政書文集以備采摭而府志得取材焉綱舉目張條分類析詳略進退義法炳然而府志得據依焉重齋所輯大略備矣抑予聞之政在方策識大識小其責在人人與事之本末不具則是非不明利害不見故凡爲志者欲考定人之是非事之利害也凡觀志者欲知其利害是非而定從違也不然則官府之具文爾盍云政書哉首郡書成外郡將次第成書與通志相輔而行

帝畿文獻於是大備旣深慶幸且與同志共勗焉是爲序光緒七年八月昆明李培祐序

# 保定府志凡例

一保郡名稱俗傳多誤自隋置上谷郡於易州而以清苑屬之於是稱保郡者皆曰上谷抑知稱上谷地則可直稱上谷則不可以上谷郡本易州古名也府署木坊大書漢爲涿郡四字考今郡始於宋之置保州金元爲郡爲路前明爲府今郡境內有漢涿郡屬地非置涿郡於此也近世有稱今郡爲保陽者以郡西有抱陽山抱與保一音之轉此以本郡之山稱本郡之地義雖不古頗爲徵實

一保郡舊轄二十州縣今轄十六州縣故於舊志中凡易州涑水深澤三州縣事蹟人物概從刪削以昭核實

一志原爲輿地作記自樂氏寰宇記變元和志之例增入人物而後之作志者祖之沿至南宋如嘉定赤城志景定建

康志咸淳臨安志更爲恢廣幾於一郡之事無遺蓋一郡之掌故在是焉舊志首列天文於義未協茲志輿地先疆域次沿革而以星野附見庶不乖志之例

一志之有圖本古者左圖右史之義舊志卷首疆域圖不計道里殊欠分曉至繪葛山雞水白洋淀諸圖意在布景祇取美觀與諸邑志圖六景八景者均屬陋習今俱從刪惟繪疆域河道以開方古法行之繪城池府署府學以現在形勢核之而散附各條後不復彙諸卷首庶便觀覽

一志之有表仿史例也或謂表與志皆史之一體志不得統表然漢書律厯志有甲子表是其例矣舊志僅沿革封爵二表茲增職官選舉薦辟例仕等表而晷度田賦戶口各表實今所創庶幾郡屬之大綱瞭如指掌

一輿地莫要於沿革沿革不明凡郡屬之事蹟人物必致差謬舊志沿革輻葛未清每多疎舛茲特於歷代史志及古今方輿之書不憚徵引附注各條下庶覺明晰

一河渠爲時務之急舊志細分水河泉溪溝數類而源委未著殊屬簡略茲編河渠某水在某縣某方至水之所經別爲河道一卷合郡屬之水爲十大河每河所受之水貫穿其中尋源竟委類析條分河渠河道一縱一橫庶脈絡分明秩然不紊庶有事河渠者易於檢閱

一田賦舊志所載今昔各殊茲將郡屬現行地畝徵銀總數及起運存留總數一一載明至舊制賦役徵糧細目已見田賦表中不複述

一文廟學制舊志載入祠祀及建置中茲特立學校一門首

列學宮次學署學額學田併書院社學義學類及之不使旁雜庶見鄭重

一壇廟舊志統稱祠祀茲擇其奉文致祭者列於前世俗流傳不可偏廢者列於後爲民祈福之舉庶覺全備

一兵制舊志營汛不詳建置分防不紀道里未免疎漏茲載現行員弁兵額分汛隘口裁設年月而附舊制於後庶可參考得失

一廳署舊志統入建置茲附學署於學校附營署於兵制而正佐雜職各署附城池後庶歸一律

一倉儲爲政所要舊志未立專門茲備載郡屬廩數雖無穀石宜存舊基併述義倉收放條規而養濟漏澤之設全節育嬰之舉連類載入

一紀事舊志寥寥數條考保郡在宋爲北邊要地東控三關西臨倒馬戎事擾攘幾無虛日茲徵史事以補未備

一祥異舊志多載燕國幽州等事於義太寬茲檢史傳有關郡屬者摭摭之幽燕之事刪除殆盡每代改元提作一行此續漢書五行志例也庶不戾於古

一古蹟舊志僅存梗概尙少考證茲於故城舊堡村落遺址多所辨別而舊署舍類及之建置遷徙之由庶可考見

一舊志雜文詩詞彙集類分直似操選茲將歷代碑版文詩附各本條下此吳郡志例也亦於事實有裨

一藝文舊志祇載詩文茲分三類曰著述郡人之撰錄成編者載其卷數提要評論附本條下曰方志郡屬志乘彙存其目兼附序跋年月於本條下曰金石郡屬流傳鐘鼎銘

詞石刻造象廣爲搜羅以識崖略

一職官舊志俱稱名宦而羅列名氏又多凡幽州冀州刺史別駕中山常山太守等職率行載入殊爲舛誤今概置弗錄又近世職官祇記里居不詳履任年分於義亦疎茲於職官年月可考者補之無者闕之銜名已列前表其中有政績者爲之立傳若政績未著而捐軀殉難者亦爲立傳不復別爲忠烈庶免與郡人混淆

一人物舊志分正直武勇等類未免繁瑣茲於郡人出仕有治法者爲仕績從容赴義者爲忠烈志在聖賢者爲理學才稱博瞻者爲文苑孝爲百行之源義乃處事之本統爲孝義高尚其志不慕榮祿者爲隱逸人非土著而名傳郡中爲流寓其有一人兩見者如賈垕本安肅人而仕滿城

既入之職官復列之仕績勢不嫌於複見也有一人附見者如酈道元史稱涿人而郡境有酈亭金之石琚元之拜殊籍非土著而墓俱在郡境雖不立傳而附見其事於古蹟若拜珠母奇耒氏苦節賢聲久昭闔閭故載入列女凡此皆從其實以著也庶免附會牽拉之誚

一列女舊志僅登前明數則茲自魏迄元博爲摭擇總彙於前自明逮今分縣詳載至近世列女無論已旌未旌或亡或存年分合例者均爲登載此外如烈婦壽婦孝婦賢婦咸爲閭里所稱者附見其中庶潛德幽光不至泯滅

一寺觀舊志附祠祀後未免不倫然靈壽志不載寺觀所以抑二氏武功志又載之所以存古蹟茲於古刹名勝聊述一二俾流傳弗失

一軼事猥雜僻瑣無關緊要錄之無類可歸置之有裨正說  
彙而存之以廣異聞

一此次修志博引繁稱不懈心力然經二百年之久十六屬  
之大可述可傳者豈止於是况立款採訪未必各屬得人  
如雄縣束鹿冊籍迄未送到僅從舊縣志中綴拾成之所  
望世之有心世道者續訪補正匡其不逮則幸甚

保定府志歷修姓氏

明

景泰年郡人張才考訂纂稿

成化年大甯衛都指揮使于琳較刊

隆慶五年通判馮惟敏纂修較刊

萬曆三十五年知府王國楨重修

國朝

康熙十九年知府紀宏謨修郡人郭棻纂



重修直隸保定府志銜名

鑒定

太子太傅 文華殿大學士總督直隸事務一等肅毅伯李鴻章

裁定

漕運總督前直隸布政使司布政使崧駿

湖南布政使前直隸按察使署直隸布政使松椿

直隸承宣布政使司布政使奎斌

直隸清河道署直隸按察使劉樹堂

直隸提刑按察使司按察使陶模

署直隸分巡保正等處清河道劉汝翼

編定

原任直隸通永兵備道前保定府知府李培祐

原任直隸大順廣兵備道前保定府知府恭 鈞

保定府知府朱靖旬

纂輯

辛酉科拔貢張豫塏

分校

前署隆平縣教諭歲貢崔華山

乙亥科舉人齊令辰

繪圖

署完縣典史戴清

總理

藍翎六品銜候選府經縣丞吳建勳

原任江蘇儀徵縣知縣前翰林院庶吉士張清元

署 左 營 都 司吳光祖

六品銜候選府經歷貢生郭雲豐

採訪

清 苑 縣 知 縣朱乃恭

滿 城 縣 知 縣張主敬

安 肅 縣 知 縣葉祖蓆

定 興 縣 知 縣嚴祖望

新 城 縣 知 縣姜渭春

唐 縣 知 縣劉樹勳

博 野 縣 知 縣孫錫康

望 都 縣 知 縣司銘三

容 城 縣 知 縣林紹清

縣名